



# SLUŽBENE NOVINE

OPĆINE MAGLAJ

**BROJ  
10/19**

**Maglaj, 9.12.2019.**

„Službene novine Općine Maglaj“  
Izdaje: Služba Općinskog načelnika i Općinskog vijeća  
Općina Maglaj, Viteška bb, Maglaj  
Za izdavača: Mirsad Mahmutagić – Načelnik općine  
Tel.: 032/465-810; Fax: 032/465-817; E-mail: [vijece@maglaj.ba](mailto:vijece@maglaj.ba)

## **AKTI OPĆINSKOG VIJEĆA**

**273.**

Na osnovu člana 18. Statuta Općine Maglaj („Službene novine Općine Maglaj“, broj: 8/07, 3/08 i 6/08) i člana 102. Poslovnika o radu Općinskog vijeća Maglaj („Službene novine Općine Maglaj“, broj: 2/09 i 1/13), Općinsko vijeće Maglaj na sjednici održanoj dana 05.12.2019. godine, donosi

### **O D L U K U**

#### **o davanju saglasnosti za pokretanje postupka u formiranju podružnice JU Dom kulture „Edhem Mulabdić“ Maglaj – Podružnica „Sportska dvorana“ Maglaj**

##### **Član 1.**

Daje se saglasnost Upravnom odboru Javne ustanove Dom kulture „Edhem Mulabdić“ Maglaj, da provede sve potrebne radnje u pokretanju postupka formiranja podružnice JU Dom kulture „Edhem Mulabdić“ – Podružnica „Sportska dvorana“ Maglaj.

##### **Član 2.**

Odluka stupa na snagu danom donošenja i ima se objaviti u „Službenim novinama Općine Maglaj“.

Broj: 02-05-1-2523/19  
Maglaj, 05.12.2019.godine

**PREDSJEDAVALAČA**  
**Svjetlana Zamboni s.r.**

---

**274.**

Na osnovu člana 7. stav 3. i 4. Zakona o stvarnim pravima ("Službene novine Federacije BiH", broj: 66/13 i 100/13), člana 10. stav 3. Zakona o cestama Federacije Bosne i Hercegovine ("Službene novine Federacije BiH", broj: 12/2010) i člana 18. alineja 6 i 19. Statuta Općine Maglaj ("Službene novine Općine Maglaj", broj:8/07; 3/08 i 6/08), Općinsko vijeće Maglaj na sjednici održanoj dana 05.12.2019. godine, d o n o s i

### **ODLUKU**

#### **o gubitku statusa javnog dobra u općoj upotrebi**

##### **Član 1.**

Utvrđuje se da su izgubile status javnog dobra u općoj upotrebi nepokretnosti označene kao:

- k.č. br. 781/2 „Uborak” ostalo neplodno zemljište površine 75 m<sup>2</sup>, upisana u pl. br. 272 k.o. Maglaj, posjednik Javni i nekategorisani putevi sa 1/1, po katastru zemljišta, a po zemljišnoj knjizi odnosi se na k.č. br. 781/2 „Uborak” ostalo neplodno zemljište površine 75 m<sup>2</sup>, upisana u zk. ul. br. 4692 k.o. Maglaj, u „B“ listu upisana kao Javno dobro - Javni i nekategorisani putevi sa 1/1, i
- k.č. br. 2815/2 „Krbulja” ostalo neplodno zemljište površine 72 m<sup>2</sup> upisana u pl. br. 272 k.o. Maglaj, posjednik Javni i nekategorisani putevi sa 1/1, po katastru zemljišta, a po zemljišnoj knjizi odnosi se na k.č. br. 2815/2 „Krbulja” ostalo neplodno zemljište površine 72 m<sup>2</sup>, upisana u zk. ul. br. 4692 k.o. Maglaj, u „B“ listu upisana kao Javno dobro – Javni i nekategorisani putevi sa 1/1.

##### **Član 2.**

Katastar Službe za urbanizam, geodetske i imovinsko-pravne poslove Općine Maglaj i Zemljišnoknjižni ured Maglaj Općinskog suda u Zavidovićima će na nepokretnostima iz člana 1. ove Odluke izvršiti brisanje dosadašnjeg upisa, te izvršiti uknjižbu prava vlasništva i posjeda u korist Općine Maglaj sa 1/1.

##### **Član 3.**

Ova odluka stupa na snagu danom donošenja i ima se objaviti u “Službenim novinama Općine Maglaj”.

Broj: 02-05-1-2518/19  
Maglaj, 05.12.2019.godine

**PREDSJEDAVALAČA**  
**Svjetlana Zamboni s.r.**

---

**275.**

Na osnovu člana 7. stav 3. i 4. Zakona o stvarnim pravima ("Službene novine Federacije BiH", broj: 66/13 i 100/13), člana 10. stav 3. Zakona o cestama Federacije Bosne i Hercegovine ("Službene novine Federacije BiH", broj: 12/2010) i člana 18. alineja 6 i 19. Statuta Općine Maglaj ("Službene novine Općine Maglaj", broj:8/07; 3/08 i 6/08), Općinsko vijeće Maglaj na sjednici održanoj dana 05.12.2019. godine, d o n o s i

**ODLUKU****o gubitku statusa javnog dobra u općoj upotrebi****Član 1.**

Utvrđuje se da je izgubila status javnog dobra u općoj upotrebi nepokretnost označena kao:

- k.č. br. 1581/11 „Lug“ ostalo neplodno zemljište površine 54 m<sup>2</sup>, upisana u pl. br. 128 k.o. Liješnica, posjednik Javni i nekategorisani putevi sa 1/1, po katastru zemljišta, a po zemljišnoj knjizi odnosi se na k.č. br. 1581/11 „Lug“ ostalo neplodno zemljište površine 54 m<sup>2</sup>, upisana u zk-ul 1233 k.o. Liješnica, u „B“ listu upisana kao Javno dobro sa 1/1.

**Član 2.**

Katastar Službe za urbanizam, geodetske i imovinsko-pravne poslove Općine Maglaj i Zemljišnoknjižni ured Maglaj Općinskog suda u Zavidovićima će na nepokretnosti iz člana 1. ove Odluke izvršiti brisanje dosadašnjeg upisa, te izvršiti uknjižbu prava vlasništva i posjeda u korist Općine Maglaj sa 1/1.

**Član 3.**

Ova odluka stupa na snagu danom donošenja i ima se objaviti u “Službenim novinama Općine Maglaj”.

Broj: 02-05-1-2519/19

Maglaj: 05.12.2019.godine

**PREDSJEDAVAJUĆA**  
**Svjatlana Zamboni s.r.**

**276.**

Na osnovu člana 363. stav 3. Zakona o stvarnim pravima ("Službene novine Federacije BiH", broj: 66/13 i 100/13), člana 4. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova ("Službene novine Federacije BiH", broj: 17/14), člana 18. alineja 6. i 19. Statuta Općine Maglaj ("Službene novine Općine Maglaj", broj: 8/07; 3/08 i 6/08) i člana 37. Odluke o građevinskom zemljištu općine Maglaj („Službene novine Općine Maglaj“, broj 4/19 i 6/19) Općinsko vijeće Maglaj na sjednici održanoj dana 05.12.2019. godine, d o n o s i

**ODLUKU****o prodaji nekretnina neposrednom pogodbom Andrić (Branko) Patriku iz Žepča, radi oblikovanja građevinske parcele****Član 1.**

Formira se građevinska parcela za postojeći stambeni objekat u vlasništvu Andrić (Branko) Patrika iz Žepča, u okviru Regulacionog plana „Centar Maglaj - sjeverni dio“ (“Službene novine Općine Maglaj”, broj: 08/05), koju čine slijedeće katastarske parcele:

- k.č. br. 526/1 „Bašća“ kuća i zgrada i dvorište ukupne površine 331 m<sup>2</sup>, upisana u pl. br. 3976 k.o. Maglaj, posjednik je Andrić (Branko) Patrik sa 1/1, po katastru zemljišta, a po zemljišnoj knjizi odnosi se na k.č. br. 526/1 „Bašća“ kuća i zgrada i dvorište ukupne površine 331 m<sup>2</sup>, upisana u zk-ul 7374 k.o. Maglaj, pravo vlasništva Andrić (Branko) Patrik sa 1/1,
- k.č. br. 526/5 „Bašća“ dvorište površine 56 m<sup>2</sup>, upisana u pl. br. 287 k.o. Maglaj, posjednik je Općina Maglaj sa 1/1, po katastru zemljišta, a po zemljišnoj knjizi odnosi se na k.č. br. 526/5 „Bašća“ dvorište površine 56 m<sup>2</sup>, upisana u zk-ul 3935 k.o. Maglaj, pravo vlasništva Općina Maglaj sa 1/1, i
- k.č. br. 526/7 „Bašća“ ostalo neplodno zemljište površine 21 m<sup>2</sup>, upisana u pl. br. 287 k.o. Maglaj, posjednik je Općina Maglaj sa 1/1, po katastru zemljišta, a po zemljišnoj knjizi odnosi se na k.č. br. 526/7 „Bašća“ ostalo neplodno zemljište površine 21 m<sup>2</sup>, upisana u zk-ul 3935 k.o. Maglaj, pravo vlasništva Općina Maglaj sa 1/1.

**Član 2.**

Prodaje se neposrednom pogodbom Andrić (Branko) Patriku iz Žepča, radi oblikovanja građevinske parcele, zemljište iz člana 1. alineja 2. i 3. ove Odluke, **ukupne površine 77 m<sup>2</sup>**, označeno sa :

- k.č. br. 526/5 „Bašća“ dvorište površine 56 m<sup>2</sup>, upisana u pl. br. 287 k.o. Maglaj, posjednik je Općina Maglaj sa 1/1, po katastru zemljišta, a po zemljišnoj knjizi odnosi se na k.č. br. 526/5 „Bašća“ dvorište površine 56 m<sup>2</sup>, upisana u zk-ul 3935 k.o. Maglaj, pravo vlasništva Općina Maglaj sa 1/1, i

- k.č. br. 526/7 „Bašća“ ostalo neplodno zemljište površine 21 m<sup>2</sup>, upisana u pl. br. 287 k.o. Maglaj, posjednik je Općina Maglaj sa 1/1, po katastru zemljišta, a po zemljišnoj knjizi odnosi se na k.č. br. 526/7 „Bašća“ ostalo neplodno zemljište površine 21 m<sup>2</sup>, upisana u zk-ul 3935 k.o. Maglaj, pravo vlasništva Općina Maglaj sa 1/1,

**po cijeni od 100,00 KM po 1m<sup>2</sup>, što ukupno iznosi 7.700,00 KM,**

uz obavezu isplate cjelokupnog iznosa kupoprodajne cijene u roku od 15 dana od dana zaključenja ugovora o kupoprodaji, na žiro-račun Budžeta Općine Maglaj broj: 199-046-00032516-34, vrsta prihoda 722 449, općina 060.

Općina Maglaj zadržava pravo izvođenje potrebnih radova vezanih za instalacije javne rasvjete i eventualno postavljanje i izgradnju drugih potrebnih infrastrukturnih instalacija u dijelu zemljišta označenog sa k.č. br. 526/7 - pojasu od 1 metra od ivičnjaka trotoara u cijeloj širini predmetne građevinske parcele, te se Andrić (Branko) Patrik obavezuje dozvoliti Općini Maglaj izvođenje istih.

Predaju nekretnina iz stava 1. ovog člana u posjed kupcu izvršit će Služba za urbanizam, geodetske i imovinsko-pravne poslove Općine Maglaj, nakon isplate cjelokupnog iznosa kupoprodajne cijene i plaćenih troškova postupka.

Troškove notarske obrade ugovora o kupoprodaji, takse za uknjižbu i sve ostale troškove koji se odnose na kupoprodaju nekretnina iz stava 1. ovog člana, snosi kupac.

### Član 3.

Ovlašćuje se Načelnik općine Maglaj Mirsad Mahmutagić, da u ime Općine Maglaj, kao prodavcem, na osnovu ove Odluke i pribavljenog mišljenja Općinskog pravobranioca Općine Maglaj, sa Andrić (Branko) Patrikom iz Žepča, kao kupcem, zaključi ugovor o kupoprodaji nekretnina iz člana 2. ove Odluke, a prema uvjetima iz člana 2. ove Odluke.

### Član 4.

Obavezuje se Andrić (Branko) Patrik da u roku od 8 /osam/ dana od dana donošenja ove Odluke, uplati troškove postupka – naknadu za vršenje usluga u iznosu od **250,00 KM**, na žiro-račun Budžeta Općine Maglaj broj 199-046-00032516-34, naknada za vršenje usluga, vrsta prihoda 722 516, općina 060, a dokaz o izvršenoj uplati dužan je dostaviti

Službi za urbanizam, geodetske i imovinsko-pravne poslove Općine Maglaj.

### Član 5.

Za sprovođenje ove Odluke zadužuju se načelnik Općine, Služba općinskog načelnika i Općinskog vijeća i Služba za urbanizam, geodetske i imovinsko-pravne poslove Općine Maglaj.

### Član 6.

Ova Odluka stupa na snagu danom donošenja i ima se objaviti u "Službenim novinama Općine Maglaj".

Broj: 02-05-1-2520/19

Maglaj, 05.12.2019.godine

**PREDSJEDAVAJUĆA**  
**Svjetlana Zamboni s.r.**

277.

Na osnovu člana 5. Odluke o legalizaciji bespravno izgrađenih građevina i bespravnih zahvata („Službene novine Zeničko-dobojskog kantona“ broj 18/19) i člana 42. Statuta Općine Maglaj („Službene novine Općine Maglaj „ broj 08/07, 03/08, 06/08), Općinsko vijeće Maglaj na sjednici održanoj dana 05.12.2019. godine, d o n o s i

### RJEŠENJE

**o formiranju Stručne komisije za legalizaciju bespravno izgrađenih građevina i bespravnih zahvata**

### Član 1.

Za legalizaciju bespravno izgrađenih građevina i bespravnih zahvata na području Općine Maglaj, imenuje se Stručna komisija u sastavu:

1. Nedžad Ćatić, dipl.ing.geodezije  
Predsjednik Komisije
2. Jasminka Hajrulahović dipl.ing.arh.  
Član Komisije
3. Enisa Hatičić dipl.ing.građ.  
Član Komisije
4. Faris Habibović dipl.ing.geodezije  
Član Komisije
5. Irma Mahmić dipl.pravnik  
Član Komisije

### Član 2.

Zadatak Komisije je da po svakom pojedinačnom zahtjevu donosi stručno mišljenje o mogućnosti

legalizacije bespravno izgrađene građevine, što podrazumjeva neophodne elemente za definisanje urbanističko-tehničkih i drugih uslova za bespravno izgrađenu građevinu (član 6. Odluke o legalizaciji bespravno izgrađenih građevina i bespravnih zahvata).

**Član 3.**

Stručna komisija je dužna stručnu ocjenu o mogućnosti legalizacije bespravno izgrađenih građevina dostaviti nadležnoj općinskoj Službi na dalji postupak.

Nadležna općinska Služba će Općinskom vijeću Maglaj najmanje jednom u tri mjeseca dostavljati informaciju, odnosno popis svih pojedinačnih prijedloga Stručne komisije za legalizaciju uz navođenje konačne odluke nadležne Službe po zahtjevu investitora bespravne gradnje.

**Član 4.**

Rješenje stupa na snagu danom objavljivanja u „Službenim novinama Općine Maglaj“.

Broj: 02-05-1-2521/19  
Maglaj, 05.12.2019.godine

**PREDSJEDAVAJUĆA**  
**Svjetlana Zamboni s.r.**

---

## **AKTI NAČELNIKA OPĆINE**

**278.**

U skladu sa članom 92. Zakona o budžetima u FBiH ("Službene novine FBiH", broj:102/13, 9/14, 13/14, 08/15, 91/15, 102/15....) i članom 18. Pravilnika o finansijskom izvještavanju i Godišnjem obračunu Budžeta u FBiH ("Službene novine FBiH", broj: 69/14, 14/15, 04/16 i 19/18), Načelnik općine, dostavlja

### **PERIODIČNI FINANSIJSKI IZVJEŠTAJ BUDŽETA - PRORAČUNA OPĆINE MAGLAJ ZA PERIOD 01.01. – 30.09.2019. GODINE**

Pravilnikom o finansijskom izvještavanju i godišnjem obračunom budžeta u FBiH, ("Službene novine FBiH", broj: 69/14, 14/15, 04/16 i 19/18), propisani su oblik i sadržaj finansijskih izvještaja, uputstva o izradi periodičnih izvještaja i godišnjeg obračuna, periodi za koje se sastavljaju, te način i rokovi njihovih podnošenja. Članom 92. Zakona o budžetima u FBiH ("Službene novine FBiH", broj:102/13, 9/14, 13/14, 08/15, 91/15, 102/15....) i članom 18. navedenog Pravilnika, propisana je obaveza dostavljanja periodičnih izvještaja osim kantonalnom Ministarstvu finansija i Općinskom vijeću u roku od dvadeset dana po isteku obračunskog perioda. Pravilnik o finansijskom izvještavanju i godišnjem obračunu budžeta u FBiH, ("Službene novine FBiH", broj: 69/14, 14/15, 04/16 i 19/18/), stupio je na snagu narednog dana od dana objave u "Službenim novinama Federacije BiH", tj.28.08.2014. godine, a primjenjuje se od 01.01.2015. godine, kako je definisano članom 35. istog Pravilnika.

*Navedeni Pravilnik pretrpio je tri izmjene, koje su između ostalih podrazumjevale izmjenu obrazaca Periodičnog izvještavanja i to Oblasca broj 3, Oblasca broj 7 i Oblasca broj 8.*

Periodični finansijski izvještaji predstavljaju set obrazaca od devet finansijskih izvještaja, a to su:

Obrazac broj 1. - Pregled prihoda, primitaka i finansiranja po ekonomskim kategorijama,

Obrazac broj 2. - Rashodi i izdaci po ekonomskim kategorijama,

Obrazac broj 3. - Posebni podaci o plaćama i broju zaposlenih,

Obrazac broj 4. - Posebni podaci o tekućim i kapitalnim transferima,

Obrazac broj 5. - Klasifikacija rashoda i izdataka budžeta po Vladinim funkcijama (COFOG),

Obrazac broj 6. - Registar doznaka iz tekuće rezerve budžeta,

Obrazac broj 7. - Registar neizmirenih obaveza,

Obrazac broj 8. - Pregled prihoda, primitaka, rashoda i izdataka po ekonomskim kategorijama

Obrazac broj 9. - Izvještaj o namjenskom utrošku transfera, sa Pismenim obrazloženjem o namjenskom utrošku sredstava.

### **Obrazac broj 1. - Pregled prihoda, primitaka i finansiranja po ekonomskim kategorijama**

Obrazac broj 1 – predstavlja pregled prihoda, primitaka i finansiranja po ekonomskim kategorijama u izvještajnom periodu (ukupno ostvarena sredstva iz svih izvora). Ukupno ostvareni prihodi, primici i finansiranje po ovom obrascu za period izvještavanja iznose 5.783.386,00 KM, ili 64,96% u odnosu na planirana sredstva u Budžetu Općine Maglaj za 2019. godinu. U odnosu na prethodnu godinu isti su veći za 748.063,00 KM, ili 14,85%.

Povećanje prihoda i primitaka izvještajnog perioda u odnosu na prethodnu godinu za isti period izvještavanja je povećanje na Potkategoriji Poreznih prihoda u iznosu od 282.039,00KM, Potkategoriji Neporeznih prihoda u iznosu od 132.389,00 KM, Tekućih transfera u iznosu od 82.863,00KM, te Kapitalnih transfera u iznosu od 345.613,00 KM.

### **Obrazac broj 2. - Rashodi i izdaci po ekonomskim kategorijama**

Obrazac broj 2 – predstavlja pregled rashoda i izdataka po ekonomskim kategorijama u izvještajnom periodu (ukupno utrošena sredstva iz svih izvora). Ukupni rashodi i izdaci po obrascu broj 2, za period izvještavanja iznose 5.399.528,00 KM, ili 60,65% u odnosu na planirana sredstva u Budžetu Općine Maglaj za 2019. godinu. U odnosu na prethodnu godinu isti su veći za 899.203,00 KM, ili 19,98%.

### **Obrazac broj 3. - Posebni podaci o plaćama i broju zaposlenih**

Obrazac broj 3. – predstavlja pregled posebnih podataka o plaćama i broju zaposlenih. Bruto plaće i naknade plaća za period izvještavanja iznose 1.220.454,00 KM, a ukupne bruto plaće sa doprinosom poslodavca i ostalim doprinosima 1.356.138,00 KM. U odnosu na prethodnu godinu za isti izvještajni period izvještavanja ovi rashodi su veći za 71.490,00 KM, ili 5,56%.

#### **Obrazac broj 4. - Posebni podaci o tekućim i kapitalnim transferima**

Obrazac broj 4. predstavlja pregled posebnih podataka o tekućim i kapitalnim transferima. Tekući i kapitalni transferi po ovom obrascu za izvještajni period iznose 2.297.698,00 KM, ili 63,70% planiranih sredstava, od čega tekući transferi iznose 1.718.003,00 KM, a kapitalni transferi 579.695,00 KM.

**Tekući transferi** po ovom obrascu za izvještajni period u iznosu od 1.718.003,00 KM, ili 65% planiranih sredstava sastoje se od:

- tekućih transfera drugim nivoima vlasti i fondovima.....= 20.908,00 KM,
- tekućih transfera pojedincima.....= 665.262,00 KM,
- tekućih transfera neprofitnim organizacijama.....= 967.327,00 KM,
- subvencije javnim preduzećima.....= 64.506,00 KM

**Kapitalni transferi** po ovom obrascu za izvještajni period iznose 579.695,00 KM, ili 60,21% planiranih sredstava, a odnose se na kapitalne transfera MZ na području općine Maglaj (152.788,00 KM) i Rekonstrukciju, sanaciju i izgradnju komunalne infrastrukture na području općine Maglaj (426.907,00 KM). Ovi transferi dijelom su finansirani namjenskim sredstvima viših nivoa vlasti, a dijelom iz vlastitih sredstava.

#### **Obrazac broj 5. - Klasifikacija rashoda i izdataka budžeta po Vladinim funkcijama (COFOG)**

Obrazac broj 5 predstavlja pregled ukupno izvršenih rashoda i izdataka u izvještajnom periodu po funkcionalnoj klasifikaciji (COFOG). Funkcionalna klasifikacija “COFOG” je sintetička klasifikacija koja je prilagođena izvještavanju kakvo se koristi u Evropskoj uniji i sadrži 10 aktivnosti vlade. Svaka od ovih 10 sintetičkih klasifikacija imaju svoje analitičke klasifikacije.

#### **Obrazac broj 6. - Registar doznaka iz tekuće rezerve budžeta**

Obrazac broj 6 predstavlja pregled izdvajanja sredstava iz tekuće rezerve budžeta po odlukama/rješenjima Općinskog načelnika u izvještajnom periodu. Za izvještajni period iz tekuće budžetske rezerve izdvojena su novčana sredstva u iznosu od 8.500,00KM ili 17,00% planiranog iznosa po osnovu odluka Načelnika općine, a sve u skladu sa Odlukom o izvršenju Budžeta Općine Maglaj za 2019. godinu.

#### **Obrazac broj 7. - Registar neizmirenih obaveza,**

Obrazac broj 7 predstavlja pregled neizmirenih obaveza u izvještajnom period, ukupno nedospjele obaveze, ukupno dospjele obaveze, dospjele obaveze + 90 dana, kao i promjene ukupnih obaveza na kraju perioda izvještavanja u odnosu na stanje obaveza na početku perioda izvještavanja.

Ukupno neizmirene obaveze i razgraničenja na dan 30.09.2019. godine iznose 1.526.487,00KM, od čega kratkoročne obaveze iznose 475.327,00 KM, a kratkoročna razgraničenja 1.051.160,00 KM. U odnosu na ukupne obaveze zaključno sa 31.12.2018. ukupne obaveze i razgraničenja smanjene su u iznosu od 749.811,00 KM, ili 32,94%.

#### **Obrazac broj 8. - Pregled prihoda, primitaka, rashoda i izdataka po ekonomskim kategorijama**

Obrazac broj 8 sastoji se od dvije tabele. Tabela broj 1. predstavlja pregled prihoda, primitaka, rashoda i izdataka po ekonomskim kategorijama. Ovaj obrazac pretrpio je još jednu izmjenu objavljenu u Službenim novinama Federacije BiH, broj:19/18 odm 14.03.2018. Izmjena se odnosi na dodatak još jedne kolone –ESA- oznake za ekonomske kodove, a namjenjeni su da osiguraju informacije o vladinoj finansijskoj statistici, te pokazuju vrijednosti za deficit i dug bazirane na konceptima koji su definisani u Evropskom sistemu računa (ESA 2010), kao i dodatak jednog reda na samom kraju obrasca gdje je obavezno upisati broj zaposlenih za izvještajni period.

U Obrascu 8- Tabela broj 1. iskazan je i finansijski rezultat za izvještajni period i to:

<b>Tekući suficit:</b>	<b>1.016.300,00 KM</b>
<b>Ukupan suficit:</b>	<b>383.858,00 KM</b>
<b>Ukupan finansijski rezultat:</b>	<b>383.858,00 KM</b>

U tabeli broj 2.Obrasca broj 8 iskazuju se stanja konta: novčanih sredstava i plemenitih metala, vrijednosnih papira, kratkoročnih potraživanja, kratkoročnih plasmana, kratkoročnih obaveza i razgraničenja i dugoročnih obaveza i razgraničenja, na početku i na kraju izvještajnog perioda.

Stanje novčanih sredstava na dan 30.09.2019. godine na transakcijskom računu i namjenskim podračunima Budžeta Općine Maglaj iznosi 1.956.209,00 KM Ova novčana sredstva su uglavnom namjenska sredstva koja su doznačena u periodu 01.01. – 30.09.2019. godine, kao i prenesena namjenska sredstva iz prethodnih godina i novčana sredstva izvornih prihoda Budžeta Općine Maglaj.

Stanje kratkoročnih potraživanja na dan 30.09.2019. godine iznose 683.203,00 KM i u odnosu na stanje istih na dan 31.12.2018. godine manja su za 214.473,00 KM, ili 23,89%.

#### **Obrazac broj 9. - Izvještaj o namjenskom utrošku transfera**

Obrazac broj 9. predstavlja pregled namjenskog utroška transfera viših nivoa vlasti i ostalih. Uz obrazac broj 9- budžetski korisnici dostavljaju i pismeno obrazloženje o namjenskom utrošku sredstava ili razloge za neutrošena sredstva.

Prilog:

1. Finansijski izvještaji (Set od devet obrazaca; 1- 9 i Pismeno obrazloženje Obrasca broj:9)

Broj: 01-14- 10-2522/19  
Maglaj, 05.12.2019. godine

**NAČELNIK OPĆINE**  
**Mirsad Mahmutagić s.r.**

---

**279.**

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18 i 11/19), člana 42. Statuta Općine Maglaj („Službene novine Općine Maglaj“, broj: 8/07, 3/08 i 6/08), člana 21. Odluke o izvršavanju Budžeta Općine Maglaj za 2019. godinu („Službene novine Općine Maglaj“, broj: 10/18), a prema zahtjevu JU Dom

kulture „Edhem Mulabdić“ broj I/1-137-/19 od 04.12.2019. godine, Načelnik općine donosi

### **O D L U K U**

#### **o odobravanju izdvajanja sredstava iz tekuće budžetske rezerve Budžeta Općine Maglaj za 2019. godinu**

##### **Član 1.**

**ODOBRAVA SE** izdvajanje novčanih sredstava u iznosu od 3.000,00 KM (slovima: trihiljadei00/100 KM), iz tekuće budžetske rezerve Budžeta Općine Maglaj za 2019. godinu za sufinansiranje materijalnih troškova Javne ustanove Dom kulture „Edhem Mulabdić“ nastalih povećanjem broja polaznika Spark škole. Odobrena sredstva teretit će Razdjel 11, Organizacioni kod 111-Jedinstveni organ uprave-Načelnik općine i to na ekonomski kod:

- 614 311- 109 JU Dom kulture „Edhem Mulabdić“ .....= 3.000,00KM.

##### **Član 2.**

Novčana sredstva iz člana 1. ove Odluke izdvajaju se iz Budžeta Općine Maglaj za fiskalnu 2019. godinu sa Razdjela 11, Organizacioni kod 111, Ekonomski kod 999991/6 Tekuća budžetska rezerva.

##### **Član 3.**

Za realizaciju ove Odluke zadužuju se Služba za privredu, finansije i razvoj poduzetništva.

##### **Član 4.**

Ova odluka stupa na snagu danom donošenja i ima se objaviti u „Službenim novinama Općine Maglaj“.

Broj: 01-14-10-2531/19  
Maglaj, 06.12.2019. godine

**NAČELNIK OPĆINE**  
**Mirsad Mahmutagić s.r.**

---

**280.**

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 59. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15...), člana 42. Statuta Općine Maglaj („Službene novine Općine Maglaj“, broj: 8/07, 3/08 i 6/08), člana 20. Odluke o izvršavanju Budžeta Općine Maglaj za 2019. godinu („Službene novine Općine Maglaj“, broj: 10/18), a na prijedlog Službe



za urbanizam, geodetske i imovinsko-pravne poslove i Službe za boračko-invalidsku zaštitu, opću upravu i društvene djelatnosti, Načelnik općine donosi

**O D L U K U**  
**o preraspodjeli sredstava planiranih u Budžetu**  
**Općine Maglaj za 2019. godinu**

**Član 1.**

Odobrava se preraspodjela sredstava planiranih u Budžetu Općine Maglaj za 2019. godinu, („Službene novine Općine Maglaj broj: 10/18), u Općem i Posebnom dijelu-Razdjel 11, organizacioni kod 111- Jedinstveni organ uprave Općinski načelnik.

**Član 2.**

Preraspodjela sredstava iz člana 1. ove Odluke vrši se na slijedeći način:

U Računu rashoda Podkategorija *Tekući transferi*, na Razdjelu 11, organizacioni kod 111- Jedinstveni organ uprave Načelnik općine, umanjuje se pozicija 614 233 - 46 Učešće Općine u projektima povratka, reintegracije, rekonstrukcije održivog povratka za raseljena za **iznos od 2.000,00KM**,

a uvećava se pozicija kako slijedi:

614 117 -1 Tekući transferi mjesnim zajednicama za **iznos od 2.000,00KM**.

**Član 3.**

Sa navedenim promjenama uskladit će se i zbirne pozicije u Općem i Posebnom dijelu Budžeta Općine Maglaj za 2019. godinu.

Ova Odluka čini sastavni dio Budžeta Općine Maglaj za 2019. godinu o preraspodjeli sredstava izvjestit će se Općinsko vijeće Maglaj, prilikom donošenja eventualne Odluke o izmjenama i dopunama Budžeta Općine Maglaj za 2019. godinu, odnosno u Polugodišnjem i Godišnjem Izvještaju o izvršenju Budžeta Općine Maglaj za 2019. godinu.

**Član 4.**

Za realizaciju ove Odluke zadužuju se nadležne službe, svaka iz svoje nadležnosti.

**Član 5.**

Ova Odluka stupa na snagu danom donošenja i primjenjuje se na Budžet Općine Maglaj za 2019. godinu i objavit će se u „Službenim novinama Općine Maglaj“.

Broj: 01-14-10-2266/19  
Maglaj, 04.11.2019. godine

**NAČELNIK OPĆINE**  
**Mirsad Mahmutagić s.r.**

---

## SADRŽAJ

### AKTI OPĆINSKOG VIJEĆA

273.	ODLUKA o davanju saglasnosti za pokretanju postupka u formiranju podružnice JU Dom kulture „Edhem Mulabdić“ Maglaj – Podružnica „Sportska dvorana“ Maglaj .....	1002
274.	ODLUKA o gubitku statusa javnog dobra u općoj upotrebi .....	1002
275.	ODLUKA o gubitku statusa javnog dobra u općoj upotrebi .....	1003
276.	ODLUKA o prodaji nekretnina neposrednom pogodbom Andrić (Branko) Patriku iz Žepča, radi oblikovanja građevinske parcele .....	1003
277.	RJEŠENJE o formiranju Stručne komisije za legalizaciju bespravno izgrađenih građevina i bespravnih zahvata .....	1004

### AKTI OPĆINSKOG NAČELNIKA

278.	PERIODIČNI FINANSIJSKI IZVJEŠTAJ BUDŽETA - PRORAČUNA OPĆINE MAGLAJ ZA PERIOD 01.01. – 30.09.2019. GODINE .....	1006
279.	ODLUKA o odobravanju izdvajanja sredstava iz tekuće budžetske rezerve Budžeta Općine Maglaj za 2019. Godinu .....	1008
280.	ODLUKA o preraspodjeli sredstava planiranih u Budžetu Općine Maglaj za 2019. Godinu ...	1009